

Gvangjsih Minzcuz Bau

ganhhau: CN45-0036 B.2019 Nd.12 Ng.4 liggaeuq geijhailh nienz ndwenit cogouj

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3402 期

Swcigih Minzcunghvej Fatbough Gij Sawloih Gveihfan Sawcuengh Bi 2019

Ndwen 11 ngoenz 28, Swcigih Minzcunghvej youq 《Gvangjsih Yizbau》fatbough 288 diuz sawloih gveihfan Sawcuengh bi 2019 (loih faplwd).

Hwnjguh gveihfanva, byauhcnjva, saenqsikvaq saw vah minzcuz vunznoix dwg gij neiyungz youqgaenj hong saw vah minzcuz yendaiva, hwnjguh “sam va” saw vah minzcuz Gvangjsih cujau dwg Sawcuengh Vahcuengh guhdaeuz. Geij bi neix daeuj, Swcigih Minzcunghvej caeuq nyuenz Swcigih Minzyijvej vih guh ndei hong soucomz, fanhoiz, saemjdingh sawloih moq Vahcuengh guh le haujlai hong. Bi 2017, cujciz lauxhangz

bouxmaeq Sawcuengh Vahcuengh, bouxguh hong itsienq caeuq bouxyaez Sawcuengh Vahcuengh cosaemj 20000 lai diuz sawloih moq Vahcuengh geij bi neix daeuj ciengzyungh haenx, caemhcaiq hai aen hoih lauxhangz saemjdingh, buek daih’it sawloih gveihfan Sawcuengh 1358 diuz lauxhangz saemjdingh doenggvaq haenx fatbough youq 《Gvangjsih Yizbau》《Gvangjsih Minzcuz Bau》、nyuenz Swcigih Minzyijvej vangican caemhcaiq doigawj doigvangq yungh, neiyungz nangqdaengz cwngei、ginghci、ndawbiengz、vwnzva daengj gak dieg. Bi 2018, laebdaeb cujciz saemj-

dingh fatbough buek daihngaih sawloih gveihfan Sawcuengh 220 diuz caemhcaiq doigawj doigvangq yungh. Bi 2019 caiq cujciz saemjdingh fatbough buek daihsam sawloih gveihfan Sawcuengh 288 diuz caemhcaiq doigawj doigvangq yungh, cugyamq guhbaenz le aen gihci fatbough saemjdingh sawloih moq Sawcuengh Vahcuengh moix bi baez ndeu, vih Sawcuengh caenh’itbough doihengz yungh dwkroengz giekdaej maenhsaed, hix vih ndawbiengz gak hangz gak nieb gveihfan yungh Sawcuengh gunghawj fuengbienh.

(Cangh Haijyingh Vangz Yacangh)

SIUSIK DINJ

● Mboengqneix, Denhngoz Yen Daihngaih Siujyoz banh ciet yisuz vwnzva diyyuz, aen ciet neix cawjdaez dwg “seizcou lai yiengh、ndawhag yinxdaeuz”. Baez hozdung neix neiyungz fungfouq lai yiengh, miz daengxcungq diuqfoux、bouxvunz yienj dungxcaiz、diyyuz doxdax、yienjheiq daengj neiyungz, doenggvaq guh hozdung, hawj gyoengq lauxsae hagseng lai rox yisuz, gyagiengz ndangcangq, cienzmienh doicaenh suciz gyauyuz.

(Veiz Lenzmingz)

● Ndwen 11 ngoenz 21, Yungzsuij Myauzcuz Swciyen banh aen ban son’gyauq swnjcienz vwnzva Myauzcuz, cingj Lij Yihiyenz bouxswnjcienz swcigih gaep gij siuq Myauzcuz daeuj son boughag. Mwh son’gyauq, Lij Yihiyenz caeuq hagseng youq doiqnaj doxgyau, daj fapsiuq、veh doz、guh daengj gak fuengmienh gejgangj ciengzsaed, gikfat gij yinxdaeuz boughag hag dajsiuq.

(Cinz Dingzyuz)

● Ndwen 11 ngoenz 23 banhaemh, Bahmaj Yauzcuz Swciyen Gohyoz Gisuz Hezvei lienzhab boux ciennieb gisuz aen camh ciengx nonsei ndaw yienh bae daengz Yendung Cin Hozdungz Cunh guh aen gyangjcoz lwnh gij cihsiz ndaem gonengznuengx ciengx nonsei, gangj gij cihsiz ndaem gonengznuengx ciengx nonsei hawj ca mbouj geijlai 100 boux ciengx nonsei haenx, bangrengz vut gungz gunggeng, ndaej daengz gyoengq vunz ciengx nonsei haenx.

(Liengz Sauwnh)

● Ndwen 11 ngoenz 24 banhaemh, aen hozdung bae lajmbanj cunz yienjheiq gij gojgaeq Gvangjsih daudwz mozfan “gou caeuq guekcoj gou” youz Swcigih Dangjvej Senhconzbu、Swcigih Vwnzmingzban cawjbanh haenx bae daengz Yizcouh, doenggvaq Heiqgvei、vaiqbanj、siujbinj daengj cezmuuz, danqhaenh gij vunzndei henz ndang, cienzndenq gij rengz daudwz.

(Lanz Yungj)

Ciet Gijgwn Ndei Lijyouz Gozci Namzningz·Doengnamzya 2019 Haimuq



Ndwen 11 ngoenz 29, Ciet Gijgwn Ndei Lijyouz Gozci Namzningz·Doengnamzya 2019 youq Vaznanzcwnz haimuq, aen ciet neix laebdaeb guh 12 ngoenz, daengz ndwen 12 ngoenz 10 guhsat. Dangguh gij hozdung boiqdaug youqgaenj Cungguek—Dunghmungz Bozlanjvei, daengz neix gaenq banh 19 bi. Gaiq ciet gijgwn ndei neix aen cawjdaez dwg “cimz gijgwn ndei Dunghmungz yawj gij fungcingz lajmbwn”, doenggvaq langhbaej gij vwnzva gijgwn ndei, coicaenh Doengnamzya caeuq Gvangjsih lijyouz vwnzva doxgyau. Ndaw doz dwg beixnuengx Duncuz langhbaej guh youzcax.

(Yiz Sienghceenz/喻湘泉)

Cungzcoj Si Banh Comzyienj Gij Cingzgoj Feihvuzciz Vwnzva Yizcanj

Ndwen 11 ngoenz 26, Cungzcoj Si youq aen cungsim yisuz vwnzva banh comzyienj gij cingzgoj feihvuzciz vwnzva yizcanj. Youq mwh yienjheiq, Cungzcoj Si roengzsim genjleh buek feihvuzciz vwnzva yizcanj hanghmoeg gig miz daiqbiusiq ndeu, yungh daizheiq guh comzyienj. 《Mbanjcuengh Ciengq Vaizcin》《Geizlaenz Hawj Fuk》《Gienz Byaraiz》《Aen Loqsiengj Lai Yiengh Bouxcuengh》daengj 12 aen feihvuzciz vwnzva yizcanj cozbini doxlwnz hwnj daiz yienj, yienj ciengz heiq ndei yawj ndeu hawj bouxyawj yienhciegz yawj. Baez yienjheiq neix hawj vunzlai depgyawj roxnyinh gij yinxdaeuz feihvuzciz vwnzva yizcanj, caenh’itbough gikfat gij yiedcingz gyoengq vunz fatyiengz conzdungj vwnzva, gyagiengz le gagrox baujhoh vwnzva yizcanj, cauh’ok le gij heiq-

faenh ndei daengx biengz gvansim、vatcimh、baujhoh caeuq swnjcienz vwnzva yizcanj.

Geij bi neix daeuj, Cungzcoj Si aeu doicaenh swnjcienz baujhoh minzcuz vwnzva dangguh gij neiyungz youqgaenj caeuq yinvu hwnjguh dieg guhyiengh minzcuz doxgiet cinbu daeuj baijbouh, gyalai ligdoh baujhoh caeuq swnjcienz feihvuzciz vwnzva yizcanj, gyalai vatcimh caeuq yungh feihvuzciz vwnzva yizcanj, guekgva gaep caeuq swcigih gaep feihvuzciz vwnzva yizcanj baujhoh mingzloeg hanghmoeg cungj miz cingzceik ndei. Seizneix, daengx si gungh miz seiqgyaiq gaep feihvuzciz vwnzva yizcanj baujhoh mingzloeg hanghmoeg aen ndeu, guekgva gaep feihvuzciz vwnzva yizcanj baujhoh mingzloeg hanghmoeg aen ndeu, swcigih gaep feihvuzciz vwnzva yizcanj

baujhoh mingzloeg hanghmoeg 24 aen, si gaep feihvuzciz vwnzva yizcanj baujhoh mingzloeg hanghmoeg 64 aen, yienh gaep feihvuzciz vwnzva yizcanj baujhoh mingzloeg 125 aen, hwnjguh aen dihi mingzloeg ngoenz ndei gvaq ngoenz, guhbaenz aen dihi baujhoh mingzloeg bauhamz seiqgyaiq gaep、guekgva gaep、swcigih gaep、si gaep、yienh gaep daengj haj aen daengjgaep. Daengx si gyoebseueng bued cienz 367 fanh maenz ngaenzcienz cienhangh youq 7 aen yienh (si、gih) guh baenz ranz guhyiengh、dieggoek swnjcienz baujhoh langhbaej swcigih gaep feihvuzciz vwnzva yizcanj baujhoh mingzloeg hanghmoeg 33 aen, gungh miz 24 boux bouxswnjcienz swcigih gaep feihvuzciz vwnzva yizcanj daiqbiusiq hanghmoeg.

(Lungz Yenyinh)